

Broj: 05-02/2-3112/25
Sarajevo, 12.11.2025. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
SARAJEVO
Hamdije Kreševljakovića 3**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 24-11-2025			
Org. jed.	Broj	Priloga	Vrijednost
05/1	- 02 -	579	/25

n/r gosp. Dragan Mioković, predsjedavajući ✓
n/r gosp. Dennis Gratz, zastupnik

Veza Vaš akt: 05/1-02-579/25 od 21.10.2025. godine

PREDMET: Odgovor na inicijativu, dostavlja se-

Dana 28.10.2025. godine u Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata zaprimljena je inicijativa zastupnika Gratz Dennisa, koja se odnosi na hitnu provjeru zakonitosti zapošljavanja u institucijama i javnim preduzećima.

Imajući u vidu sadržaj navedene inicijative, ističemo da se zapošljavanje državnih službenika i namještenika u Federalnom ministarstvu za pitanja boraca i invalida odbrambeno-oslobodilačkog rata vrši putem javnih konkursa i javnih oglasa, uz dosljednu primjenu Zakona o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine, broj: U -13/16) i Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj: 49/05 i 103/21), kao i važećih podzakonskih propisa.

Iako ovo ministarstvo u svom sastavu nema institucije i javna preduzeća u kojima vrši upravljanje, ističemo da shodno Odluci o osnivanju Fondacije za pružanje pomoći u rješavanju stambenih pitanja pripadnika boračkih populacija ("Službene novine Federacije BiH", broj: 51/12 i 67/15), federalni ministar za pitanja boraca i invalida odbrambeno-oslobodilačkog rata na prijedlog boračkih udruženja komponenti Armije Republike Bosne i Hercegovine i Hrvatskog vijeća odbrane imenuje Upravni odbor Fondacije, te da Ministarstvo vrši nadzor nad radom iste.

S poštovanjem,

MINISTAR
Nedžad Lokmić



Dostavljeno:

1. Naslovu (x2);
2. Vladi Federacije BiH (na znanje);
3. a/a.



BOSNIA AND HERZEGOVINA
PUBLIC PROCUREMENT AGENCY
BRANCH OFFICE MOSTAR

Broj: 04-02-1-1632-2/25
Mostar, 11.11.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI/ZASTUPNIČKI DOM
Hamdije Kreševljakovića br.3
71000 Sarajevo
Fax: 033 223 623

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 24-11-2025			
Org. jed.	Broj	Priloga	Vrijednost
05/1	- 02 -	580	/25

PREDMET: Mišljenje na Zastupnički inicijativu zaparlamentarnu reviziju procesa previsokih formiranja i ažuriranja Federalne liste liste lijekova i utvrđivanje uzroka previsokih cijena lijekova u FBiH

Veza: Vaš akt broj 05/1-02-580/25 od 23.10.2025. godine

Poštovani,

Na osnovu člana 92. stav (3) tačka d) Zakona o javnim nabavkama («Službeni glasnik BiH» broj 39/14), Agencija za javne nabavke, u cilju osiguranja pravilne primjene zakona, pruža tehničku i savjetodavnu pomoć i ugovornim organima i dobavljačima u vezi s primjenom i tumačenjem odredbi zakona i podzakonskih akata, kao i detaljima iz Vašeg upita, daje slijedeći odgovor:

Članom 92. stav (3) Zakona o javnim nabavkama (u daljem tekstu: Zakon) definisane su nadležnosti Agencije za javne nabavke i to:

(3) Uloga Agencije je da osigura pravilno provođenje ovog zakona. Za ostvarivanje uloge Agencije utvrđene su sljedeće nadležnosti:

- a) priprema i izrada nacрта zakona, nacрта izmjena i dopuna zakona i pratećih podzakonskih akata, u svrhu osiguranja njihove djelotvornosti i svrsishodnosti;
- b) unapređenje informiranosti ugovornih organa i ponuđača o propisima o javnim nabavkama i njihovim ciljevima, postupcima i metodama;
- c) objavljivanje priručnika i uputstava, kao i izrada i ažuriranje standardnih obrazaca i modela u skladu s odredbama ovog zakona;
- d) pružanje tehničke pomoći i savjetodavnih mišljenja ugovornim organima i ponuđačima u vezi s pravilnom primjenom ovog zakona i podzakonskih akata;
- e) uspostavljanje sistema praćenja postupaka koje provode ugovorni organi za nabavku robe, usluga i radova, s ciljem edukacije i otklanjanja uočenih nepravilnosti u pojedinačnim postupcima javnih nabavki;
- f) prikupljanje podataka, izrada analize i objavljivanje informacija u vezi s postupcima javnih nabavki i dodijeljenim ugovorima o javnim nabavkama;
- g) razvijanje i uspostava elektronskih informacionih sistema u oblasti javnih nabavki u Bosni i Hercegovini;

- h) pokretanje, podržavanje i stvaranje pretpostavki za razvoj prakse elektronskih nabavki i komunikacija u oblasti javnih nabavki;
- i) organiziranje i održavanje obuka za ovlaštene predavače i službenike za javne nabavke, objavljivanje informacija u vezi s obukama, te priprema priručnika i drugih pratećih materijala za profesionalni razvoj u oblasti javnih nabavki u skladu s podzakonskim aktom koje donosi Vijeće ministara BiH;
- j) praćenje rada ovlaštenih predavača i vođenje evidencije o akreditiranim predavačima iz oblasti javnih nabavki i službenicima za javne nabavke;
- k) izrada godišnjih izvještaja za Vijeće ministara BiH.

Zavod zdravstvenog osiguranja i reosiguranja Federacije Bosne i Hercegovine, kao ugovorni organ i obveznik primjene Zakona o javnim nabavkama provodi postupke javnih nabavki u skladu sa Zakonom o javnim nabavkama (u daljem tekstu: Zakon).

Trenutnim uvidom u Portal javnih nabavki za period 01.01.2023-31.10.2025. godina, za nabavke po Jedinstvenom riječniku javnih nabavki sa kodom 33000000-0 Medicinska oprema, lijekovi i proizvodi za ličnu higijenu proveden je 71 postupaka javne nabavke za robe, odnosno za lijekove i to 63 otvorena postupka javne nabavke i 8 pregovaračkih postupaka bez objave obavještenja. U provedenim postupcima za nabavku roba-lijekova korišten je kriterij najniže cijene. Za isti period dodjeljeno je 60 ugovora nakon otvorenog postupka javne nabavke i 7 ugovora nakon pregovaračkog postupka bez objave obavještenja.

Nadalje, članom 3. Zakona definisani su opći principi javnih nabavki na način da je „Ugovorni organ dužan da postupi transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi s predmetom nabavke i njegovom svrhom.

Dakle, aktivna i pravična konkurencija je jedan od osnovnih principa javnih nabavki i kao takav daje mogućnost svim zainteresiranim ponuđačima/kandidatima da se natječu za dodjelu ugovora. Nadalje, princip pravične i aktivne konkurencije utječe i na ponudene cijene na tržištu. Stoga što je više učesnika u postupku javne nabavke koji se takmiče i na taj način imaju priliku ponuditi povoljniju cijenu kako bi dobili ugovor. Cijena je tržišna kategorija i tržište, kao i aktivna i pravična konkurencija na tržištu direktno utječu i na cijenu.

Također bi napomenuli da je sistem javnih nabavki u Bosni i Hercegovini visoko decentralizovan, što znači da učesnici u postupcima nabavke imaju proaktivnu ulogu i samostalno donose odluke koje se odnose na primjenu Zakona i pripadajućih podzakonskih akata.

S poštovanjem,

Dostaviti:

- Naslovu,
- a/a

